



# OMUKWETU

Oshifo shOngerki onkwaevangeli paLuther yomOwambokavango / Die Tydskrif van die Evangeliese Lutherse Ovambokavango Kerk

No. 3

FEMBULUALI

1967

## KWOOVE KALUNGA TA TEELELE ELIDILULULO LASHILI

Jesaja 66: 2.

Eingido kondaka yeudifo laJesus pamwe nomutetekeli waye Johannes koshiwana shaKalunga oleli: "Lidi-lululen... Nye mu efe oilonga yeni yii - mu xupifwe."

Kalunga a kala nokuvandamena pedu alushe koshiwana sha Israel sha kukuta keemwenyo nosha kolwa kou-fudime nokelidilululo lomelinginfo n-lokombada ashike, ngaashi ovakriste

vovawambo ve shi li pefimbo eli yo. Ndele Kalunga kelididimiko ina fya ounye okwiingidila oshiwana shaye momakanya ovaprofeti: "Lidilululen, nye mu alukile kuKalunga keni mu xupifwe." Osho te shi ningi yo nonena mokati kovawambo.

Kalunga ta nyenyetele elongelo-kalunga laIsrael lokombada noufudime, lihe na oiimati yelidilululo lashili lomeni momutima. Osho yo ta nyematele yo ovakriste ovawambo nonena ve na elongelokalunga lomomutwe nelidilululo lopandunge davo vene.

Ovaisraeli va li va diladila: Elo-ngekalunga lashili olo okutunga ote-mbeli ya dja ko tai limonikila. Ndele Kalunga ta hokwa omwenyo wa fyoluhodi oo u li eyambo le mu wapalela, shi dule omatungo nomaxwi-kilo ovaisraeli noikutu yovawambo ya djaleka mongerki ihe niwe kovalidi-lululi. Kalunga ta teeple nena kwo-ve elidilululo alike. Omawapaleko okwa pumbiwa yo, nge taa di notaa dalwa kelidilululo lashili.


Kalunga te ku shivi nonena u efe ou-fudime nelininginfo. Onheni nouwa wa-Kalunga tau ku shili u ye melidilululo lashili (Rom 2:4) eli li na omadidi-liko aa:

a) Okwaalukila kuJesus nokwee-fa eendjila doulunde nodelininginfo.

b) Elidilululo li kale li na oiimati tai monika kukeshe nde ipalule oona-kukala popepi nokokule naave, (Mat 3: 8; Oil 20: 21).

Omulidilululi, omwene ote mu tile ngaha: "Heeno, oove wa humba-tifa nge oundjuu womatimba oye nde owa hepekifa nge omolu omanyono oye. Heeno, aame ou hai kufa po o-manyono oye omolwange mwene nde itandi dimbuluka vali omatimba oye.

Hofni Nakamhela.



Osho nomegulu tamu ka kala enyanyu enene lyokunyanyukilwa omulunde gu-mwe iitedhulula li vule okunyanyukilwa aayuki omilongo omugoyi nomugoyi inaa suuthigona weitedhululo, Jesus osho ta ti.



## IILONGA YA TAMEKE

Omumvo gwiilonga gwa tameke ishewe, oshoka omvula sho ya loko shaa ngoka ota sikuuka niilonga. Omunashipululo kehe e noonani dha piti moluteni, ota kambadhala oku dhi litha nawa, opo a tale ngele tadhi wapa tuu okufalako nando oofo la dhontumba ongula nenge ketango.

Uukuku nuutemo u shi kulongithwa otuu tulwa momipini omithe mba, opo nakulonga kaa pumbwe okumbambangela manga e li ponku. Aanamambakumbaku otaye ga tula wo omagadhi nokutheta nawa oomboha dha yula ya tale ngele taa vulu okukutha po manga thimbo kuyele.

Pethimbo tuu ndika opo wo iilonga yomaludhi gi ili nogi ili ya tameke. Ooskola wo dheegekulile iloonganga yadho yonuumvo. Ooresultate dhomakonakono sho dha adhika dha thiki, nodhu unlike iilonga nkene ye ende omumvo gwa yi, nena omunongeki kehe polwe otakambadhala okupangela nawa oonkatu dhe mokulonga aanongekwa nokutala nkene enoku yuuvithako moshilongwa shontumba moka a dhimbulula mu nuunkundi kombinga yaalongwa ye. Otaye shi ningi nuupenda; opo oyana longwa ya likole sha manga omuku gwongula, oshoka onkanga ohayi hadha mangongula omutenya ngele gwa tsu yo tayi ka gondja. Na otaye shi ningi wo oshoka iilonga ya tameke. Aalongwa wo polwa yo, otuu kambadhala okulonga nuudhiginini, opo ngoka a longo onkudhu moshilongwa shontumba shongandi omumvo gwa piti, a tale ngele te eta po oshilwa oshinenguni momvula ndjika.

Ngame wo OMUKWETU otandi kambadhala okupangela iilongitho yanje ngashingezi, oshoka iilonga oya tameka ndi tale ngele te vulu oku yi tsakanitha, opo ndi faalele sha kaaleshi yandje nonuumvo wo. Kalunga ne tu peni oonkondo manga tu li petameko lyilonga, opo iilonga yetwenyi etithile oshigwana eyambeko.

TU LONGENI FIMBO KU NOUYELELE.

## AATUNDA NAANDONGONA OTAA PUMBWA OSKOLA NATANGO

Aakwetu Frans Amunyela, mu Angola na P. Paulus Shilonde, Etunda, otua tu nyolele ngeyi: Aakwetu aaholike muJesus Kristus, otatu shanga ngeyi tu mu tseyithile oluhepo lwaanona yaandongona naatunda. Aanova mboka ya pumbwa oongundu dhu uka pombanda, oshoka oye na owala Sub A na B.

Olwindji sho taa piti iilongwa ya B nena ohaa ishuna mo owala sigo ngashingezi oya loloka mo muSub B. Oya hala shili okutsikila komeho, ihe kaye na we oongundu dhilwe dha gwedhako. Otaa pumbwa ostanda I nosho tuu oonkwawo tadhi landula ngele tashi vulika.

Okukakalela oongundu dha tya ngawo kiilongo oshidhigu, oshoka kanye na mpoka taa ka kala. Nokuli mii longo mbika ayihe yuuninginino oyu udha aanona yaandongona naadhimba mboka ya kalela ooskola.

Otwe eta oshinima shika kaaleshi yOmukwetu amuhe, opo mu dhibulukwe aanona mbaka koshipala shaTate, pamwe taa monehwa tuu aanongeki yagwana nosho wo omakwatho gi ili nogi ili taye ga pumbwa.

## ENONGELO LEENHUMWAFO

Otali halele ovalongwa aveshe vomulo epuniko laTate Kalunga nelao lomudo mupe. Kalunga e tu endifa nokwetu fikifa modula ipe na pandulilwe efilonghenda laye, eshi le tu humbateni ngaha.

Paife twa peweni onghenda ei kuKalunga, tu hovele oilonga yetu i lili na i lili. Osho yo Enongelo leenhumwafo otali hovele oilonga yalo. Otali tambula ovahongwa vape, ngaashi omanongelo aeshe taa tambula. Keshe tuu ou wa hala okukonkona nawa Ombibeli yoye, tuma eindilo loye kufye, tu ku tumine onhummwafo oyo we i hala pamwenofuto: MOwambo 25c na KOushimba 35c.

Eengudu odo da kala po nale osho di li nga ngaashi da kala:

1. Ndi mone ngiini omwenyo muKristus.
2. Oshilonga shOmhepo Iyapuki.

3. Ondjila yeduliko.
4. Oshilongo shoye nashi ye.
5. Ealuko laKristus.
6. Kristus momanyolo.
7. Oilonga yovayapostoli.

Na 8 oyo ongudu ipelela tai popi, "Oshilonga shetumo pambibeli." Onhumwafo ei ya tumbulwa xuuninwa oyo oiwa unene, ku he na vali i litumina hano diva. Oyo: **oshilonga shetumo pambibeli.**

Nge to tumu eindilo loye, oandlesh oyeyi:

**Enongelo leenhumwafo,  
Engela,  
Pk. Oshikango.**

Omwene Jesus ta ti: "Ngenge tamu diinie oipango yange, otamu kala mohole yange." Joh. 15:10.

Omuyakuli weenhumwafo

A. Muatotele.

## BEATA YA BENJAMIN MONGULA OTA I KOMAMBO

"Ounona, kufeni omaemhele, tu ka taleni omeva kondobe, osheshi nena onda hala ndi uye ndi koshe oikutu yange, opo ndi dule okuya mongula komambo. Onda efa unene nale komambo," osho meme Beata omukuladi wameshitele Aron Shihwanda a lombwela ounona vaye ongulangula yOshoondaha. "Ovanhu otava tile nge ngahelipi? Ihandi monika nande ome longelokalunga, ame ou ndi li ngaha monyonga yongerki? Mongula ondi nokuya komambo," osho meme Beata e lipopila. "Oshoondaha ya dja ko, ndishi owa alukilile mondjila? Oshike hano u hafikile kongeleka?" Okanna kaye Makeleni ka pula. "Eshinda ndja meumbo, ongendo yokushitifa oya tona nale, onghe nda li nda fya ohoni oku ka yeululwa melongelokalunga, nda fa ndi he li popepi nongulu," ina a nyamukula nde tamemesha mo. "Mongula onda hala ndi li tetuke, opo ndi ha tokelwe," mukwahepo a kaleka daye. Ounona tava vaila komesho ya ina ndele diva va eta omeva nefimbo loshuumbuluwa ola li la fika.

Efiku olo Olomakaya Beata okwa kosha nawa oikutu yaye. Eshi ina mana okukosha diva noikutu yaye ya anya okukukuta, okwa tokola okukangula ongula inene yOshoondaha.

Tadi twikilwa kepandja 3

'Mongula ohandi piti ongula nde handi shakala omundilo. Handi ongele omakala opo ndi kangule ohema yage, ei handi i nayo kOnambo, fiku ongedjo i ifanena nokushitifa, ame onda fika yo pongerki," osho e lipopila. "Ame eshi u wete ihandi ku teeple, osheshi ngaho iho fikama," meshitele Aron e lingwandjula mo. "Mongula ondi na okutuma Makeleni a ka talele nge okakende kange komaadi kooGustaf kuToini, nighi na eshi handi vava. Toini okwa ile nako onghela, a ka vave mo vati." Beata a tonga vali, ye te lididima eimbilo: "One mbo mwa silwo ohenda."

"Nani nongula omambo ito a hange? Beate, u kwatakwata tu! Onye ovakulukadi voomeshitele otamu ya ndje unene oihopaelelwa ii," Aron ta nyenyeta. "Na Toini opo eli opo iha ende yo omambo, okwa fa nge. Omu hole oku dipaa ovanhu. O ukulu wonale okwa tile: "Dipaa woye manga mukweni ta tumu," meme Beata te livandeke.

Ongula eshi kwa sha, Beata okwa penduka ongulangula yoshimati. Momaumbo oomeshitele eshi ihamu kala luhapu oikwatamundilo, meme Beata okwe ke lihakana kokapalwa. Mokapalwa okwa hanga tamu ti etelela, osheshi okanghelo kaye kokamati Kaboyi okwe ka danena onghela onguloshi. Okwa pendula okamati kavo Makeleni nde te ka tumu, ka ka tale omundilo keumbo looToini. Makeleni okwa endelelela, ndele okwa hanga vomooGustaf inava penduka. Omundilo opo wa ka shakalwa naMakeleni e u eta etango la yeluka nokuli.

"Wa kala nee, owa li to ningi shike, wa ya nalenale?" ina a pula. "Onda hanga omundilo inau shakalwa," Makeleni a nyamukula. "Lotoka vali shiveli, u shune kootate Gustaf, Toini na pe nge okakende kange komaadi okuvava. Onda dimbwa oku ku lombwela u ka etelele eshi wa ile ko," ina a tumununa Makeleni. Eshi Makeleni a ya, Beata ta vakauka nde ta shakala omundilo. Fimbo ta teeple omundilo u teke ekala, a shive a mone omakala omoshikangule, okwa tula po yo ombiya yoshibululwa. Efimbo olo meshitele Aron okwe likosha nokuli ta djala ashike oikutu yaye. Beata a ngalanga diva naAron konima yokulya a xwanuka nokuli a yuka kongerki. Efimbo olo otundi ya tona nokuli etata lomulongo.

Meme Beata fimbo ta kangula, omeva aye okulikosha okwe a tenheka pediko. Ounona ava va lombwela va ehele pediko omeva a ndjene diva, ova ka danauka fimbo ina ta kangula nomundilo wa dima po. Mokangula kwaye, eembadi daye doshikutu di li mbali okwe di tokola ko noshikangule. Opo ngeno ta i kokalikoshelo, ongendo oya shitifa. Beata fimbo te likosho, omulaulu wondjafa yomufita oku u wete eshi tau ningine mongerki. Ongerki oya li etata lomaila okudja pombulavo. Efimbo olo Makeleni ina eta natango omaadi, okwa kala ta danauka na Samuel yaGustaf.

Meme Beata eshi a dja kokalikoshelo, okwa li e nokuninga oinima ihapu. Okwa lya yo tete oshuumbululwa, shashi edimo ihali tulikwa. Okwa li e na okuhondjela ko eembadi dohema yaye. Okwa li e na okukava va noku djala nounene okudjala oshikaiwa. Okwa li a hala a djale oshikaiwa ngaashi Toini ha djala. Efiku olo ina ya vali komambo noini ma i li ngaha, oyo hai mu tokifa alushe. Omolwokutokelwa kwaye, ovanhu voposhilongo shavo ove muluka oshilukadina "Kaudamambo." Omuleshi omukwetu, ove oshike hashi ku tokifa?

### OSHIVILO SHAKRISMESA MUKOMBATA

Oshivilo shaKrismesa muKomba ta otashi tu dimbulukifa nawalela no kutya, Jesus oye Ohamba younyuni aushe. Osheshi oshivilo shedalo la Jesus Kristus osha hafifa aveshe. Embuvi dotombo oda hafela edalo 1Ohamba. Ovadinikalunga ova hafela edalo 1Ohamba.

Oshivilo shaKrismesa muKomba ta sha kala potundi ontimulongonambali oufiku fiyo otundi onhine yngula nosha danwa omutenya aushe fiyo potundi onhinhano komatango. Moshivilo omwa li omahokololo no maibilo mahapu, ndele omwa li eimbilo tali ifana tali ti: "Ila kemanya lexupifo nande ove omhukile, ila ila omukwetu, ila kuJesus emanya lexupifo djamo moikololo younyuni."

Ev. Fridrik Nghihalua.

AAYEGIPITI NOYA TI: TU  
YENI ONTUKU, OSHOKA OMU  
WA OTA KONDJELE AAISRAEL  
NOKU YA POPILA, 2Mos.14: 25B.

### OMAKUNDO

Aasita aakwetu amuhe yomonge rki yetu onkwaevangeli paLuther mOwambokavango, omu li tuu nawa? Omwa thiki mo tuu nawa momumvo omupe? Longeleni Omuwa nyenyanu!"

Aamwameme muKristus amuhe otandi mukundu unene. Onda thiki nawa huka kuAmerika kuutokelo wetango. Otandi longo ngaa nawa.

"Taamba Omuwa gwomwenyo, opo u kale u na omwenyo."

Eino Amaambo.

### MALITSA

- |  |               |
|--|---------------|
| 1. W. Luk.22:24-30.  | Mat.21:23-27. |
| 2. Do. Luk.4:38-44.  | Mat.21:28-32. |
| 3. V. 1Kor.4:9-16.   | Mat.21:33-46. |
| 4. Sa. Jes.49:1-6.   | Mat.22:1-14.  |
| <br>   |               |
| 5. S. Os. yi li pokati mEidhiliko.<br><i>Oshikwiila shokomwenyo.</i><br>1Kor.10:1-12. Joh.6:24-36.<br>Jes.55:1-3.              |               |
| 6. M. Joh.6:22-29..  | Mat.22:15-22. |
| 7. D. 1Aak.19:1-8.   | Mat.22:23-33. |
| 8. W. Mark.12:28-34.   | Mat.22:34-46. |
| 9. Do. Joh.6:47-59.  | Mat.23:1-12.  |
| 10. V. Joh.12:20-26.   | Mat.23:13-28. |
| 11. Sa. Joh.8:21-30.   | Mat.23:29-39. |
| <br>   |               |
| 12. S. Os. 6 yomEidhiliko.<br><i>Kristus e tu gandjelwa.</i><br>Ef.2:12-16. Mat.21:23-27.<br>Ontak.1:12.                       |               |
| 13. M. Hebr.7:23-27.   | Mat.26:1-16.  |
| 14. D. Joh.7:1-13.   | Mat.26:17-30. |
| 15. W. Joh.13:31-35.   | Mat.26:31-35. |
| 16. Do. Hebr.10:1-10.  | Mat.26:36-46. |
| 17. V. Joh.11:47-55.   | Mat.26:47-56. |
| 18. Sa. 2Mos.32:30-34.   | Mat.26:57-68. |
| <br>   |               |
| 19. S. OSONDAHA YIIYALE<br><i>Ondjila yeifupipiko yOmukwaniilwa<br/>gwasimano.</i><br>2Tess.3:1-5. Joh.12:1-8.<br>Jes.50:5-10. |               |
| 20. M. Jes.50:5-10.  | Mat.26:69-75. |
| 21. D. Hebr.9:16-28.   | Mat.27:1-14.  |
| 22. W. Hebr.4:15-5:9.  | Mat.27:15-30. |
| 23. Do. 1Kor.11:23-32.   | Mat.27:31-44. |
| 24. V. ESO LYOMUKULILI<br><i>Omolwetu.</i><br>1Mos.22:1-13. Joh.19:16b-30.<br>Joh.19:31-42.                                    |               |
| 25. Sa. 1Kor.5:7,8.  | Mat.27:45-66. |
| <br>   |               |
| 26. S. ESIKU LYEYUMUKO<br><i>Oye okwa yumuka.</i><br>1Kor.15:12-21. Joh.20:1-10.<br>Hos.6:1-3.                                 |               |
| <br>   |               |
| 27. M. ESIKU ETI-2 LYEYUMUKO<br><i>Pamwe naangoka a yumuka.</i><br>2Kor.5:15-21. Joh.20:11-18.<br>Eps.16:8-11.                 |               |
| 28. D. Iil.13:26-33.   | Fil.1:1-11.   |
| 29. W. Iil.3:12-20.  | Fil.1:12-18.  |
| 30. Do. Iil.8:26-40.   | Fil.1:19-26.  |
| 31. V. 1Petr.3:18-22.  | Fil.1:27-30.  |

## IILONGA YIIPILANGI

Omusamane Ambrosius Paulinu mOnandjokwe, omulongi miilonga yokupangela iipilangi, sho a pulwa okwa hokolola ngeyi:

"Tango sho ngame okamati, onda longo iilonga yiipilangi muLobito mu-Angola. Opo onda longwa nonda dheulwa nawa miilonga yiipilangi oomvula ishewe ndatu, sigo nda mono onzapo yoshilonga shika."


"MOnandjokwe onda longo ngashingezi ethimbo ele. Onda tseya okupangela iinima yi ili noyi ili," Paulinu osho a popi ishewe.

Sho a pulwa egongalo lyaandjavo nonkene a tseya elaka lyOputu, okwa yamukula: "Ongame omukatoli. Meitaalo lyaakatoli omo nda valelwa nomo nda putukile. Aakuluntu yandje oyo aakriste noko ye li nomwenyo. Elaka ndyoka Oshipitu onde li tseya ngaashi nda tseya elaka lyameme lyOshimbundu.

## EFIMBO LOFIKOLA OLA FIKA

"Nani neudo otu nokufiya po eumbo letu novakulunhu vetu, opo tu ye kofikola. Ove to i ndi shi kofikola youkadona kokaumbo na ame handi i kofikola yovamati?" osho Lauli ya Josef a lombwela okandenge Lembi efiku limwe. "Onde linekela, tate ote ke tu pa aishe twa pumbwa mofikola," Lauli a weda ko. Nameme ita nyengwa nande komavanda oo haa pulwa mofikola. Ondi shi shii, ota ka wanifa nawa olata yoye noyangi yomavanda, osheshi neudo ombidi oya mena nawa," Lembi a weda ko. "Natu ka lekele nena kute nameme fimbo pe noshivike shimwe, va longekide oinima oyo hatu pumbwa, osheshi ofikola vati otai hovele mEtivali loshivike tashi uya," Lauli a popya vali. Osho ou-nona vaJosef yaHedimbi omukwaneongalo ve lipopila ongula imwe, manga va li tava limi mepya ve li po aveke.

"Tate, ofikola oya fika notai hovele mEtivali. Onda hala neudo ndi ka hovele mofikola yovamati na-Lembi vati ota ka hovela kokau-mbo." Lauli osho a popifa xe onguloshi imwe poxungi. "Mofikola ei yopopepi omwa pita mo? Oshike mwa hala okuya kofikola yokokule tamu fii po yopopepi?" omushamane Josef a nyamukula ina yelewla. Atushe otwa pita mo mofikola ei yopo-



pepi nomulungi wetu okwe tu lombwela, tu ka tambule eembapila, opo tu ka tambulwe meefikola dinya," Lembi e lidenga mo vali nde ta tale kwinya.

"Josefina," ove oto ti ngahelipi? Ou udite tuu Lauli naLembi eshi tava popi." Josef a popya nde ta kala a pungulukila komukulukadi waye. "Ame ohandi ti ngahelipi? Ndi shi ounona vakawo yo okeefikola va yuka? Nge wa dala omunhu e li mofikola u shi ote ku kalele? Ame onda tokola ashike va ye," osho omukulukadi a nyamukula mwene. "Ame onda hala ndi ka ninge omulungi," Lauli a tetu melaka. "Ove Lembi?" ina a pula. "Ame onda hala ndi ninge omuhakuli ngaashi Foibe yaJason," osho va twikila vaninga okambuyo.

## GALIKANENI TONATENI

Ino kala omunye mokugalikana. Oshoka megalikano to mono ompito okupopya naKalunga. Oshoka ngele ho galikana, oto mono ekwatho, shaawa tonata.

Mokugalikana ino sa uunye tonata. Tonatitha omeho goye gokomwenyo. Momathimbo omadhigu nenge omapu, galikaneni.

Mokukala wa tonata, kala wouiayapula, oshoka eyamukulo lyegalkano lyoye itali pitika li ku aadhe muunye nenge momposi. Tonateni, galikaneni mwaa pwile momamakelo.

Tate yomegulu omuholike, tu longa okugalikana twa tonata.

Julius Niilonga.

*Nguka oye omusamane Ambrosius Paulinu mOnandjokwe. Okwa longo mo ethimbo ele. Oku shi nawa okupangela iipilangi, ngaashi naanaa to mu mono e li muupyu wiilonga.*

## INAMU EKELASHI ELAO LENI

Mat. 5: 3- 12

Mounyuni omu omu na omalao mahapu, ndele omalao aeshe aa, otaa ka xula po. Apa hatu lombwelwa elao linene li li meulu eli itali xulu po nokali shi okuyelekwa nomalao omounyuni ou, osheshi olo laalushe. Elao eli otwe li pewa kuTate Kalunga. Olo ola pula ohonde yomena aeke, onghe kali shi okweke-iwashi nokudanaukifwa, osheshi oli na ondilo shili. Elao eli otali longo omunhu keshe. Olo itali hoolola noitali tale oshipala shomunhu. Omunhu ngenge ota holeke omatimba aye elao eli otali mu ende pomunghulo nande nakale oye omunandunge ngahelipi.

Aveshe ovo tava dinine eendjovo daKalunga ovo ovanelao notava kala ve na ehafo mokukala kawo akushe. Elao eli ovanh vamwe kave li wete, nande oli li mokati kavo nokuli. Omwene Kalunga okwholokela ounyuni aushe. Oiwana nomalaka aeshe va mone elao eli. Ootate noomeme novamwameme vahapu va fikamo nokuli melao eli, noveyadi shili ehafo. Elao eli otali tambulwa fiyo onena. Ngenge ou udite welli kanifa endeleta diva u li peululwe kOmwene. Oye ita valula omatimba oye. Okwa hala e a dime po ye eku djaleke elao lomeulu noto kala u li na alushe, nokaku na ou te li ku kufa. Ps. 103: 3-4.

Abraham Haileka.

## EPUKULULO

Mongerki yetu otu na aakadhona yomimvo omilongo ndatu oku za kokuvalwa noku uka komeho lwokomilongo ntano.

Aantu ya tya ngawo ohaa talwa nayi kaantu. Ndi tye nokuli oyo ii-yagaya yowala momeho gaantu yamwe yomutse. Ohaa popiwa nayi noya dhinika nayi shili, aniwa omolwa shoka inaa hokanwa ya ka vale uunona. Oyo naantimbe haa hepekwa nonomasheko.

Ondi lwete nawa kutya, omukalo gwa tya ngawo inagu za muKalunga aawe, ogwo ombepo yimwe yomombepo odhindji dhasatana hadhi pepe muuyuni nomongerki. Onke aakriste aaholike tu kondjitheni omu-tondi mOmuwa Omukulili. Tu leshe-ni wo Mat. 19:12 Jesus ta lombwele aalongwa ye kutya, yamwe yomaantu oyo oonakwiikalela. Ihe ina tya omwiikaleli oshiyagaya showala. Pammwe mumboka hatu tuku omu na yamwe. Ndele ishewe moyo omu na mbono naa ka dhana oohango dha-wo uuna sho dha thiki. Ngashingezi ya tulwa po kuKalunga mwene ya lone iilonga yOmuwa noonkondo dhuugundjuka. Omuntu kehe oku na iilonga ye mOmuwa nando yimwe ihaiyi dhimbululwa nawa kungoka e li kokule nomuntu.

Mu 1 Kor.7:6-7 omuyapostoli ta ti, kehe omuntu okomagano ge. Tala mu 1Kor.7:38, nokuli ngoka inaa hokanwa e vule ngoka a hokanwa. Aamwameme mOmbimbeli sho mwa ye-lithwa oshinima shoka inatu aalula aagundjuka mbaka koomwenyo! O-muntu kehe oku na ondjila ye Kalu-

nga e yi mu pa nota tegelele shili aende nayo. Yamwe ya tseyea nokuli nale oondjila dhawo mOmuwa Omukulili oshoka ya pewa Ombepo yehololo. Onke ya nyanyukilwa iipewahenda yawo mOmuwa Jesus nando ye yi shekelwe-tondelwe. Nokuli aakadhona yomimvo dhi li lwokomilongo ntano oyo esimano lyongerki mOmuwa Omukulili. Oomvi ye dhi na o-dho oomvi dhongerki. Oyendji ya wo kaye shi ooJuffrou mbono taa longo oshindji-shindji moshigwana nomongerki? Nenge omukadhona okuvulike oonkondo komukulukadhi? Shivalelw! Oomeme olwindji oyo aa-nkundi naavu.

Kaleni mu nombili yOmuwa mwa udha Ombepo Ondjapuki. Tu etheni aakadhona yetu ya ende oo-njila dhawo okuuka kOmuwa megulu yaa nomakemo nomitenge omidhigu tadhi e twa kuyo. Omuwa netu yambekele omadhiladhilo omawawa nawa.

## EKUNDO

Omushamane Werner Shangheta, oye omwevangelistemuwiliki wovanya-sha mOukwanyama. Okwa longa paise mewliko lovanyasha eedula nhanano. Momudo ou mupe 1967 ota kundu ovanyasha aveshe vomongerki yomOwambokavango ta ti:


"Kristus oye ouyelele mondjila yomunyasha keshe. Endeni mouyelele oo. Emanguluko tu li kongeni tu mangulukeni tete komwenyo, oshoshotetetete opo ne kolutu. Tete kongeni oshilongo shaKalunga nouyuki washo, nena aishe otamu i wedelwa ko oshali."

Oshinyolwa sha hogololwa shuule woduim yimwe, otashi futilwa R1.00

"	2	"	R1.90
"	3	"	R2.70
"	4	"	R3.40
"	5	"	R4.00

Oto vulu okutuma wo efano lyaashoka wa hala shi tseyithwe pamwe nomatumbulo ngoka wa hala ga kale pamwe nefano, shaa to dhimbulukwa owala uunene wehala ndyoka tali ka longithwa moshifo. Taleni ngaashi moshifo "SUIDWESTER," mu mone ii-holelwa mbyoka ya ningwa kaanangeshefa aatiligane.

Ndhindhilikeni nawa eyoo-loko mpaka kutya, iinyolwa ayihe to tumine kOmukwetu tayi uvitha evangeli noshoomafano gayo, itayi futilwa nando. Elongelokumwe lyeni aamwamemé otatu li pandula nenyanyu.



Aamati aawambo ohaa longo nuudhiginini moongalashe.

## HAMHUMDJA YA KULU NAXE

Eendjovo edi dovakulu vonale odi na yo eendunge moukriste wetu. Nokutya omhundjona tai kala naxe otai tale xe eshi ta ningi. Osho tai kufapo eenghedi daxe. Otai shi shiiva apa tapa endwa, tai koneke oifituki ei ina oita naxe. Osho tai tekulwa nawa nawa notai kala nokulidiinina pux.

Omukriste a fa edulike komhundja ya kulila pux. Osheshi omunhu ta li oukole nande ou shi kutya, otau e ta efyo. Omwene Kalunga eshi a tonga naanaa meendjovo daye: Eengholwe, ovahondeli, novatauluki veehombro, kave nomutumba meumbo laye laalushe liyapuki.

Ndishi Omwene a tya kuAdam naEva: Ino lya komuti! Tala fiku to liko, oto fi okufya. Adam a lya oukole tau e ta efyo. Hano osho naave yo ou to li koukole woulunde oto fi okufya.

Paulus Kafita.

## E K O N A K O N O LYAJUNIOLQ 1966 MOSHIGAMBO

Aalongwa mbaka 20 oya piti mekonakono lyaJuniolo 1966 mOshigambo: Ester Amukeshe, Andreas Anguu, Pinehas Auala, Ndinelago Emvula, Amalia Haikela, Loini Haipinge, Immanuel Hatutale, Paulus Haufiku, Jona Hitula, Anna-Liisa Markus, Loide Mateus, David Mbidhi, Emirich Mushaandja, Sara Muteka, Valde Namhunja, Elia-kim Nandjigua, Lukas Ndokosho, Silvanus Shiljomunhu, Gabriel Shithigona, Saija Shivute.

Aalongwa yaali ya adha ongundu J1.

## E T S E Y I T H I L O

Moshifo shOmuwetu one amuhe otamu vulu naanaa okutseyitha mo nokwiigidhamo ngele imuna yenyi kana, nenge iini-mayakana, nenge oostora dheni, iigunda yoongombedheni noshaa shoka shaa shi shupagani. Ihe ndhindhilikeni nawa kutya:

Iinyolwa yomatseyitho ga tya ngaaka ngele tayi tulwa mOmuwetu ota-yi futilwa, ngaashi hashi ningwa miifo ayihe konyala yuuyuni. Yamwe haa hokwa moshifo kehe mu kale etseyitho lyongeshefa ye nosho ta futele aluhe ehala ndyoka ta longitha moshifo. Omolwomafuto ngoka, mpaka otapa landula elandulathano lyofuto, nkene dha tokolwa dhi kale:

## OSHITUTHI SHAAPANGI MUC.D.M.


Aatiligane aasimanekwa nomusitagon galo tatekulu H. Shongolo, oya hiyilwe ko. Moshituthi moka omupangi Teodor Namandje okwa pewa eko pi lyoshisilivel i omoluudhiginini wiilonga yoshipangelo. Ekopi ndika tate Namandje oteende nalyo shaampoka. Mu talela po u li mone. Mefano Namandje ta kuutumba kolulyo lwomusitagon galo Shongolo.



Tate Namandje ta nyanyukilwa ekopi lye pomuti gwaKrismesa. Kawaja na Mbeeli taa thikama puye.

## MOKUTALELAPO OTO LIKOLA OSHINDJISHINDJI

Ngele iho ende komikunda no-kiilongo ito ilongo noito likola sha shomokukalamwenyo. Oku neyele-tumbulo limwe tali ti kutya, ngele omumati gumwe nkene a valwa a ze megumbo, a thike ootuu puushiinda nenge pomukunda gwontumba, nena omulumentu a tya ngaaka, sho e li "Kazagumbo kazamunzile gwo-ndunda," ona ka hokana mumwayi-na. Ote shi ningi, oshoka okwa tse-ya owala Maria nenge Nehoya lyahe. sha.



Komeho kombinga yolulyo mefano, otamu monika omusitagon galo H. Shongolo a kuutumba kolumoho lwa T. Namandje ngoka a pewa eko pi omoluudhiginini we wiilonga.



Nena oto yamukula ndje to ti: Ngoka ota popi iihuna, oku uvile peni omuntu a hokana mumwayina?" Ihe ote shi ningi, oshoka ine enda noina mona ngele muuyuni omu naakadhona yalwe. Tala kuume, kaakandje, ngele to ende noto talelepo, nena oto likola oshindjishindji shi vule shomegumbo lyaho. Handjenda ndhoka dhuuwawalali aawe, oondhoka okuya nokukala piiuthi yaagundjuka. Okutala yakweni nkene yi ilonga oondjimbo nomahokololo gO-mombimbeli.

Ngame numvo onda talele po Swakopmund naWalvisbaai. Taa, onda ziko nda pwakuka kaambaye. Oku nuunona uupyu nko! Okwa li he tanga aavenduka, ihe aambaye ya pi omumati gumwe nkene a valwa a ze ti pombanda.

MOShiwakopo onda kala wo mo hungi yaagundjuka nondi tala ete pulakene sho taa ngolongondja oondjimbo nomahokololo gaKrismesa. Taa! waa endaenda ito mono noito likola sha. Kala ho endaenda opo u likole



Israel Neumbo amushanga gwiiningwanima yoshigongi shaagundjuka mOvenduka.

Aamwameme amuhe meitaalo, ngashingeiyi otu lyeni mondjila tatu yi kuGolgata. Otatu tutumba nomitenge dhoondjo dhetu tu ke dhi thi-ge nkoka dha siikilwa komata gombi-nzi yonzigona Jesus.

Kundweni noohapu dhi li 1Kor. 12:1-12.

Israel Neumbo.

# OUNYUNI OTAU TONGO SHIKE

## ESHINA LYA GWA KOLUTENDA

Eshina lyokolutenda lyofulaha olya gu kolutenda pokati kaGibeon naMalinda. Nonando kwa konakonwa shoka sheetitha oshiponga shewo noinashi monika, otapu tengene-kwa ngaa kutya, iitenda yolutenda oyi iumbu mo momahala gayo omoluupu wa geya noonkondo.

Ilikoto omulongo niihetatu oya gu ko noyindji oya li ya sizimana. Oshikoto shangaata noshikwawo shongombe oya gu ko wo kolutenda i-he elago enene inayi tilahi. Ngaata noongombe mbali oya zi moyeli na-wa.

## OMVULA OYA LOKA NAWA MIITOPOLWA YIMWE YASUDWES

Omawi otaga zi koombinga noombinga kutya, iitopolwalongo yimwe muSuidwes, oya lokwa nawa.

Iitopolwa ngaashi mbino: Omaruru, Oshaanda, Otjiwarongo nOshomeya, oya lokwa nawa. Oondama dho-miitopolwalongo mbyono odha tondokela omeya ogendji nosho tuu uusilulunga.

Ondangwa oya lokwa omvula yoomilimeta ntano manga Onamutuni yi na ndatu. Ombinga yaKeetmanshoop oyi noluteni nuupu uuudhigu natango.

## OSHIPANGELO SHONANDJO-KWE TASHI MANGULUKA MENOTA

Opwa kala omakemakemo pehulilo lyomumvo 1966 netameko lyomumvo 1967 mOnandjokwe nomudhii-ngoloko. Ngashingezi enota ndyoka oli li pokukandulwa po.

Omuligu gwomeya otagu fulilwa mevi okuza mondama yopOndangwa, gu uka mondama yOnandjokwe. Eshina lyokufula omikanka otali fulu nomiligu otadhi langekwamo. Konima yethimbo efupi, enota olya kanduka po.

Omukanka otagu tsikilwa natango. Oshimpana shimwe tashi fala omeya kOshigambo noshikwawo oshuka ombinga yOlukonda nOntananga lwaanko. Eshina otali fulu okutameka ongula onene yesiku kehe, sigo ongulohi. Ndele otapa longwa tuu neendelelo lela kuKamatiKamushembe.

## EENGERKI DAANGLIKANI DA YAPULWA MOWAMBO

Eengerki ne daAnglikani, oda yapulta komubishofi Robert Mize, wa-Damaraland. Ongerki yomOnekuaja, mEtomba, mOmhedo noyomOnamundidi. Ongerki imwe yomOnandova okwa fanekwa i yapulwe komesho. Eengerki dikwao hamano otadi tungwa natango.

## EENGERKI DA TOKOLA OKUHANGANA

Ongerki yaRomakatoli noyaAnglikani, oda kundafana omafiku a djako. Ova ninga etokolo la nyolwa kutya, eengerki nadi hangane. Oda kala eedula 400 da tukauka.

## A DHIPAGWA

MuLagos (Nigeria) omwa uvika onkundana, ya tseyithwa moshifo TheWindhoek Advertiser sheti-16/1/67 kutya, omusamane Johnson T. Aguiyi-Ironsi, omutse gwepangelo lyaakwiita yaNigeria, okwa dhipagwa muJuli omuvogu.

## OKWA ANDWA KOLUVADI

Omulaule weedula 45, atengene-kwa kutya, omutsvana, okwa dipawa koluvadi puDordabis. Edina laye oJan Pieters, a li ha longo pofaalam. Okwa hangika a nangala eshi oluvadi la anda oshipondoka shaye. Okwa fya pefimbo olo.

## YA HOKANATHANA

Mesiku eti-15 Kotoba omumvugu, mongerki yaTilyasa omwa hokanithwa aagundjuka yaali Vilho Endjala na Taimi Kuume.

Oshituthihango shika osha tamekwa neimbilo 419. Elandulathano lyehokano olya ningwa kutate J. Kalenga. Konima omapandulo guukilila meme T. Kuume oga tumbulwa.

Kuume okwa tseyika omulongsikola pEtilyasa. Omapipi ogendji oga longwa kuye. Okwa kala wo omuwiliki gwoshigongi shaagundjuka. Omasindano gawo oga talika omolwomukumo neidhidhimiko lye. Ishewe egongalo olye mu inekelele iimpwiyu oyindji, ihe oye ina vulwa nando. Kalunga ne ya yambekele ano ondjokana dhawo.

Ndeshipanda Rehabeam.


EWI

LYEVANGELI

MORADIO

ometa 31

otundi 8. 30.



19 Febr. 1967.

Ohatu tameke okulesha embo: "Omona wohamba."

Owandaha: P. Andreas.

26 Febr. 1967.

Ohatu twikile okulesha "Omona wohamba."

Owandaha H. Nakamhela.

## A MONO ELONGO LYAYATANO

Omukulukadhi gwoomvula omilongo ndatu a pangelwa oluvalo nokwa monoaanona yatano esi ku limwe. Umati une nokakadhona kamwe. Omukulukadhi nguka oye Rosemaria Januschek. Oye ta silwa nawa oshimpwiyu pamwe naanona ye moshipangelo shomuDusseldorf (Wes-Duitsland.)

Anona oya valwa manga kwa li ku na natango oomwedhi mbali, ethimbo lyokuvalwa li thikane. Ihe nando ongaaka oku li nawa. He yawo omusamane gwoomvula omilongo ndatu nambali.


## YA MONIKA

Aatiligane yane nomuwambo gume kwa li ya kanena mombuga ya-Namib, oya monika ye nomwenyo.

Aantu mbaka oya zile mOvenduka taa yi kOliindili nkoka yu ukilile mombuga. Enenedhiladilo lyawo okutala ngele tashi vulik puningwe ondjila ya kunkula nefuta okuza kOliindili sigo kOmbaye, oshoka oyo aanongontu (Scientists).

Osheendiftho shawo shimwe osha li sha teka, onkee ya kala omasiku gawe mombuga yaNamib yaa wetike. Ngashingezi oya monika ye nomwenyo.

**OUNYUNI OTAU TONGO KUTYA, EFIMBO LOPAIFE OLOKATIELU. OMAKOLOKOTO NOMAMA-TUKILAFANO OKWA PINDJA PAIF-E KEEMBINGA NEEMBINGA DO-UNYUNI. OMBILI YOKUKALAFANA OYA KANA NOTAYI PUMBU NGOMUHAKA MOSHIKOLOLO SHIIMBUNGU.**



*Omeho goye ga li ga tala ndje manga nda li po te tungwa, nomasiku gandje ga yelekwa noga nyolelwa moramata yoye.*

## ESHASHO LOVAYELE- LE MUNKONGO

Efiku eli la li linene mehepaululo lohilonga shetumo mokati kovayelele, osheshi ovayelele 39 va shashwa efiku olo. Oshivilo sha longekidwa wa moku ya tala va fa ovaengeli vanawa kumeme Maija nameme Sirkka Kalunga oipala ya li tai vilima kehamongerki ipe yaNkongo. Ohalutali ya fo. Mokuya mongerki va fikamena djalekwa nawa, eenyika da temwa. Ovashashwa va kala ofika komesho vayakuli ve va kwatela komesho fiyo oshitaafula sha wapalekwa. Ovanhu mongerki. Eshi yo vali va dja mongerki va yukilila mongulu yovatumwa, omo mwa li oushikepengeyo, va longekidwa kumeme Maija Liisa. Omo twa ninga vali oshivilo sheshasho, pa li ovaudifi vatatu. Ovashashwa va pewe omaimbilo nomatestamendi kumeme Maija.

Omufitaongalo Josua Hanyango, oye a li omushashi nomukwafi waye Paulus Andreas. Eshi va pulwa omnipulo mwaa yo va tuvikiila yomeedjovo daKalunga, osha li sha kumwifa

omanyamukulo avo a holola naanana kutya, ovatuvikila sha shihapu. Ovashashwa va li va djala eeheema ditoka novalumenhu novakainhu ndele eefulukweva neembulukweva odali di lili nadi lili, ndele osha li shihapu. Ovashashwa va kala ofika komesho vayakuli ve va kwatela komesho fiyo oshitaafula sha wapalekwa. Ovanhu mongerki. Eshi yo vali va dja mongerki va yukilila mongulu yovatumwa, omo mwa li oushikepengeyo, va longekidwa kumeme Maija Liisa. Omo twa ninga vali oshivilo sheshasho, pa li ovaudifi vatatu. Ovashashwa va pewe omaimbilo nomatestamendi kumeme Maija.

### HOLENI AATONDI YENI

One mbono tamu lesa, otandi mu lombwele: Holeni aatondi yeni. Mboka haye mu hugu, ya ningileni uuwanawa. Lalekeni nuuyamba mbo-ka haye mu tuku, galikaneneni mbo-ka haye mu sheke.

Nguka te ku dhenge polupanda, mu galulila nolukwao. Ngoka te ku yugu onguwo yokombanda, ino mu tindila nombaikitha. Shaa ngoka te ku yugu oshinima, ino shi mu pula koonkondo. Ngaashi mwa hala aantu ye mu ningile, osho ya ningileni wo.

One ngele mu hole mboka ye mu hole, omu nokutegelela ehambelolini po? Oshoka naalunde ye hole mboka ye ya hole.

Kaleni mu nohenda ngaashi oho yeni e nohenda.

P. E. Uguanga.

Oshivilo sha twikilwa vali kowandaha yonguloshi kolupandu koi-pundi (onhele yowandaha oya lukwa Oipundi). Efiku eli ola li linene kOngerki yetu. Ovalumenhu va shashwa 23 novakainhu 16. Aveshe va li mekonakono leshasho ova li va koya 50. Onghe hai ti: Ovo tava ilikane-ne nohava diladila oshilonga shetumo mokati kovapaani, ohandi va ku ndile po kutya, Kalunga ota nyamukula omaindilo eni inamu loloka.

Ohatu kaninga komesho modula ei oshivilo shekoleko laavo va shashwa omido da ya. Kalunga e tu pa odula ipe 67. Twa tameka vali oilonga yomapya. Odula ya loka nawa noilya ya mena. Ohatu kwata etemo paife. Omwene ne mu pe eenghono dipe vali mu tandavelife eendjovo daKalunga noilesawa yopakriste medina laKristus. Paulus Andreas.

"OMUKWETU" oha zi mOnipa- Omukuluntu gwoshifo /Hoofredakteur: Omumbisofi Leonard Auala, amushanga gwoshifo Redakteur: Leonard M. Shemuvalula, Onipa, Pk. Ondangua. -Ondando komumvo mOwatmbo 60c, mUushimba nOkavango 80c. Oofuto nomambestelo naga tumwe kOmukwetu, Onipa, Pk. Ondangua. -Moka hashi nyanyengidhwa: FINSE SENDINGDRUK-KERY, OVAMBOLAND, S. W. A.

### AALESHI TAA NYOLA

*Jeremia Aksel, Onipa, ota popitha aagundjuka ngeyi: Aamwameme, otwa mangululwa keso lyakristus tu kale twa mangululwa shili. Oshike ano iho ende koshigongi shaagundjuka? Aagundjuka oyendji ya fa ya mangwa nayi. Ihe miigongi to mono omakumagidho tage ku papudhula, u ye mo mondambo. Kuume, penduka ngoye ngu to kotha, u yumuke kuusi, Kristus e ku minikile.*

*Andreas Abisai, Tsumeb, ota ti: Onda hała okulombwela ounona vakwetu kutya, otwa fa twa ekelashi ovakulunhu vetu. Twa fa twa dimbwa eendjovo edi da tya: Ounona nye, dulikeni kovakulunhu veni mOmwene osheshi osho sha yuka. Na: Fimaneka xo nanyoko u kale nawa nomwenyo mule kombada yedu. Tu pangeweni alushe keendjovo edi mokukalamwenyo kwetu.*

*Omushamane Toivo Ndevaetela, Engela, okwa longwa ewiliko lomaimbilo mOtjimbingwe. Okwa kunda ovakriste ta ti:*

Momalongelokalunga meengerki ovakriste nava imbe nawa inava kokolola. Nava pwilikine nokudulika kovawiliki vomaimbilo momaongalo. Ino imba ngaashi wa hala nongaashi wa ika, pwilikina tuu omapukululo nomalunduluko tae uya momaimbilo. Inwi imbila pofingo, tu imbileni Kalunga ketu noupenda. Ngenge hatu mwena, omamanya otaa imbi.

### A TETEKELA

Omufitaongalo omukulupe ANDREAS KUKURI a xulifa oweena waye eti-29 Desemba 1966. Omushamene ou okwa dalwa 1887 nomodula 1899 a shashwa. Okwa pamekwa 1911 omo a hovela ofikola youhongi. Okutameka 1914 – 1928, okwa kala omuhongi mofikola mOkahandja.

Okwa longa eedula omilongo itano meongalo laKahandja. Oshiwana okwe shi kwatafanifa mohole. Okwa popila yo ombili pokati koshiwana nongerki eshi pa' kala hapa tukuluka eenhamanana nomautondwe luhapu.

Paife okwe tu tetekela nota tulumukwa mwinya moukwaalushe. "Ovanelao ovava tava kondjo fiyo exulilo osheshi otava ka djalekwa oshishani shomwenyo," Eholt. 2: 10b.

G. Max.